


HE WHAKAMĀRAMA I TE RAUTAUTANGA O TE RANGAAWATEA



Hei te Rātapu te 11 o Whiringa-ā-rangi 1918, ka whakamaumaratia e Aotearoa ko te rautautanga o te Rangaawatea i mutu ai te Pakanga Tuatahi o te Ao. Tūhono mai ki a mātau hei tēnei Rā Rangaawatea kia maumahara tātau ki te wā, kotahi rau tau ki muri, i huri ai te pakanga ki te maungārongo.

Stay connected

 WW100.govt.nz

 [WW100NZ](https://www.facebook.com/WW100NZ)

 [@WW100NZ](https://twitter.com/WW100NZ)



HE AHA A AOTEAROA E WHAKAMAUMAHARA NEI I TE RĀ RANGAAWATEA?

Ka whakamaumaharatia te Rā Rangaawatea hei te 11 o Whiringa-ā-rangi, te rā i mutu ai te Pakanga Tuatahi o te Ao i te waitohutanga o te pukapuka rangaawatea e Ngā Hoa Whawhai o Peretānia me Tiamana i 1918. Nō te 11 karaka i taua rā, ka ngū ngā pū i muri i te whā tau e pakanga kino ana.

Ahako te kaha pā mai o te mate rewharewha ki Aotearoa, ka tae mai te rongo kōrero mō te Rangaawatea ki tēnei motu, ka hōrapa te whakawhētai me te harikoa: "He waiata, he ūmere, he tangi paipa, he tangi hāona, he tatetate—he korihi whakaharuru o ngā oro harikoa". (*Te Īwini Pōhi*, Te Whanga-nui-a-Tara, 12 o Whiringa-ā-Rangi 1918).

Nuku atu i te 100,000 tāngata nō Aotearoa—ko te āhua tekau ōrau o te taupori katoa o taua wā—i whai wāhi atu ki te ope taua i te pakanga, ā, nuku atu i te 18,000 i mate. Ka kino te ngau mai o te mate ki ngā whānau me ngā hapori o te kāinga nei.

I whakamaumaharatia tuatahitia te Rā Rangaawatea e Ngā Hoa Whenua o Peretānia i te 11 o Whiringa-ā-Rangi 1919, i te karanga a Kīngi Hōri te Tuarima kia wahangū te iwi mō te rua miniti kia maumaharatia te hunga mate.

HE AHA NGĀ MAHI HEI TE RAUTAUTANGA O TE RANGAAWATEA?

Hei te rautautanga o te Rangaawatea, ka whai wā tātau ki te whakamihi ki ngā mate me ngā pāmamae i hua ai i te Pakanga Tuatahi o te Ao, ki te whai whakaaro hoki ki te rongomau me te tūmanako hei te rautautanga o tōna mutunga. Ka whakamaumaharatia ngā āhuatanga nei, ka whai whakaaro hoki ki te manawa tau me te harikoa o taua rā nui whakaharahara kotahi tau tau ki muri.

Ka whakamaumaharatia te rautautanga ki ngā hui me ngā mahi puta noa i te motu. Kei raro e rārangi mai nei ko ētahi whakaaro e whai wāhi mai ai koe ki tēnei wā whakahirahira.



He whakanui i te rongomai ki Ōpunake 1918.

Whakaahua: Te kohinga a Feather Studio, Puke Ariki PHO2013-0042

KA PĒHEA TE WHAI WĀHI MAI?

Me haere ki tētahi hui whakamaumahara i te rautautanga o te Rangaawatea, mā te rapu ki ww100.govt.nz/armistice

Me mātakitaki mai i te pāhotanga ipurangi mataora nei o te Hui ā-Motu mō te Rautautanga o te Rangaawatea ki te Papa Whakamaumahara ā-Motu o Pukeahu ki Te Whanga-nui-a-Tara. Tirohia ko [facebook.com/ww100NZ](https://www.facebook.com/ww100NZ) mō ngā taipitopito, me haere mai rānei.

Me tuku mai he karere mō te Rama Rangaawatea ki ww100.govt.nz/armistice-beacon, ka whakaatutia matihikotia o kupu rongomau, tūmanako, whakamaumahara rānei ki Pukeahu hei te Rā Rangaawatea.

Me wahangū mō te rua meneti hei whakamaumaharatanga hei te **11.00 i te ata hei te Rātapu te 11 o Whiringa-ā-rangi**, ka whakarongo ai ki te Korihi Haruru o te Whakaminenga ā muri ake nei.

Ākona mai ngā kōrero anō mō te Rā Rangaawatea ki ww100.govt.nz